

Lai Juliëtte

(4 de mai, 2010, poi J-M. Moine)

Ç'te Juliëtte ât tchoi â monde è Boérgnon l' vinte de djuillèt déjnûef-ceint-déjsèpt. Èlle était lai tràjieme d' ènne faimille de sèpt afaints. Ses parents étïnt paiyisains. Èlle é fait tot son écôle dains son naitâ v'laidge. Encheûte, èlle édé ses parents â traivaiye d' lai fèrme.

En déjnûef-ceint-trente-cïntçe, d'aivô sai faimille, èlle é tçhittie Boérgnon po r'pâre lai fèrme di Grôs-Bruntch'nâ, chus Mèttembèt. Èlle é âchi traivaiye c'ment que s'mâyiëre és Rèchtauraints d' lai Hâte-Boûene pe di Forboué.

En déjnûef-ceint-trente-cïntçe, èl é mairiè ci Paul de Mov'lie. Èls eunent trâs l' afaints.

Heûte p'téts l' afaints è nûef riere-p'téts-l' afaints sont encoé v'ni aiggranti ci faimiya çaçe.

Dâli, és vétçhainnent è Boérgnon laivoû que ç'te Juliëtte t'nié l' maigaisïn d' lai Coopé.

En djanvie déjnûef-ceint quaitrevingt-trâs, son hanne meuréché. Ç'te Juliëtte vétçhé tchie sai baîchatte, lai Ginëtte, è Écublens.

Èlle ât moûe le d'rie premie d'aivri aiprés aivoi fait cïntche s'nainnes d' hôpitâ. D'vaint çoli, èlle é âchi aivu lai bïnv'nianne éde di Sèrviche d' lai faimiya l' éde di Hât-Piaité.

J-M. Moine